



ABC. ASKEL KOHTI KARJALAN KIELDY. LUAJI ALGU KARJALAKSE

KEDÄ KOHTI? Karjalan kielen kirjaimikon ezmäzet kolme kirjaindu – ABC – vihjatah vastavukseh aijankohtaizeh kyzymykseh: kui suaja hävijiä karjalan kiely järilleh rahvahan elokseh Ven’an da Suomen valdivollizen rajan yli. Kaksi karjalastu yhtevysty – ven’anpuoline Karjalan Kielen Kodi da suomenpuoline Karjalan Sivistysseuru ry – annettih päivänvalgien ezmäzele karjalazien histouries roittule **opastusnevole** sih niškoih, kui andua lapsele karjalan kielen nygyololois. Kniigu on kirjutettu argikielel, sildygi on lähäine ihan tavallizile ristittyzile, kuduat hinnastetah karjalastu jälgiperiä da tahtotah kiännyttiä omien ezi-izien kiely perehih. Kniigu vois olla hyövykse myös opastajile, kieliaktivistoile, tutkijoile dai muite eri kielyhtevyksile, kus tahtotah elavuttua paikallizet kielet.

KEN KIRJUTTI DA MIS KIRJUTTI? Opastusnevvon kirjuttajannu on lehtimies, kieliaktivistu Natalja Antonova, vuvves 2017 ruadai Karjalan Kielen Kodi -rahvahallizes yhtevykses omas roindukyläs Vieljärves (Karjalan tazavaldu). Kniigan pohjakse roittih hänen kieli- da ruadonerot, nengomat kui Karjalan Kielen Koin kielipezän jalloile suatandu, ruado karjalazien eri yhtevyksis da kanzoinvälizis projektois.

KNIIGUPAKIETTAH KUULUTAH KOLME PALUA: kniigu (käytändöpuoline opas) da kaksi brošuurua. Kniigas šeikkuperäizesti paistah, kulleh omas perehes vojii allata paista lapsenke karjalakse, midä pidäy tiediä da ruadua, mi auttau täs ruavos, kespäi vuottua kannatustu, kui suaja kielymbäristön koin ulgopuolel. Kniigan energietiekku kuhkuttau lugijua ellendämäh kirjutetun da luadimah askelen karjalan kiely kohti, andau motivatsien da tuven. Ezmäzes brošuuras sanellah, mibo se on **kielipezä** da mih niškoih sidä pidäy. Toizes brošuuras ezile on tuodu tiihot, kui lapsel stuanivuu kielelline kihitys da kui karjalan kielen kauti kehitty **aigaine kaksikieližys**.

KEN PANI RUADOVUITIN? Toven čoma kniigu! Sinule vastah tullah karjalaine supermies, Tiähtien voinat -mul’tfil’man lapsile hyvin tuttu Yoda -personuažu, Ikean akula -kala. Oma lapsestusaigu da sen bobaizet toinah juotutah mieleh kaččojes taidoilii Ilja Padčinan kuvii. Jevgenia Tihonova on luadinuh kniigan da brošuurain dizainan, Tatjana Karakan toimitti tekstat ven’an kielen kauti.

Tämä kniiguprojektu on monikieline. Paiči ven’ankielisty versiedy valmistellah suomen -da karjalankielizii vastinehii.

KUI SUAHA OMA KAPPALEH? Kniigo da brušuroi suatetah ilmai Karjalan tazavallan kirjastoloih, opastus -da tiedolaitoksih, rahvahallizih da haldivollizih yhtevyksih.

Vuitti painostu menöy Suomeh. Himoniekoih suaha kniigan ičele vojii kiändyö Karjalan Kielen Koin puoleh poštači antonovannatoi@gmail.com, viestin teemakse panna "Askel kohti". Oman mielen lugiettuuh nähte vuotetah vkontakte-verkos Karjalan Kielen Koin sivustol <https://vk.com/karjalankielenkodi> teemoin šeikuičendat -javos.

